

10067
2129



皇朝文獻通考卷二百十一

經籍考

經

臣等謹按馬端臨通考以易書詩禮春秋論語孟

子孝經經解樂儀注諡法識緯小學分十有三類

皆本列史藝文志以為依據區分部別次第秩如

惟四書未有專門而諡法別於史部故事類著錄

欽定五朝續通考增四書而去諡法茲所編輯亦仍其

例首五經論語孟子次孝經次經解次四書次樂



次儀注次小學凡為類一十有三禮類次序謹遵

欽定三禮義疏先周禮而後儀禮樂類中琴譜等從

欽定四庫全書之例改入子部藝術類若識緯諸書固

功令所必懲况我

國家經學昌明

列聖御纂諸經發襲振贖昭如星日學者奉為準繩心

術端而服習謹瑞應之符緯候之說久置弗道故

亦不復存其目云

經易

御定易經通註四卷

順治十三年大學士傅以漸等奉

勅撰

臣等謹按卷首恭載

世祖章皇帝諭旨以明永樂間所輯易經大全繁而可刪

華而寡要

特命儒臣折衷諸論簡切洞達彙輯成編於順治十五年

十月書成以漸等恭撰序文上呈

乙覽

萬幾之暇

親為鑒定諸臣欽承

聖訓稟受

鴻裁發四聖之精微鏡諸儒之得失仰見

睿智聰明同符義昊凡

今日累洽重熙之盛悉

世祖開天明道之功允宜弁冕羣經昭垂萬世

日講易經解義十八卷

康熙二十二年翰林院掌院學士兼禮部侍郎牛

鈕孫在豐等奉

敕編

聖祖仁皇帝御製序曰朕惟帝王道法載在六經而極天

人窮性命開物前民通變盡利則其理莫詳於易易之

為書合四聖人立象設卦繫辭焉而廣大悉備自昔包

犧神農黃帝堯舜王天下之道咸取諸此蓋詩書之文

禮樂之具春秋之行事罔不於易會通焉漢班固有言

六藝具五常之道而易為之原詎不信歟朕夙興夜寐

惟日孜孜勤求治理思古帝王立政之要必本經學嘗

皇朝文獻通考 卷一百一十一
博綜簡編玩索精蘊至於大易九極研求特命儒臣參
考諸儒註疏傳義撰爲解義一十八卷日以進講反復
卦爻之辭深探作易之旨大抵造化功用不外陰陽而
配諸人事則有貞邪淑慝之別運數所由盛衰風俗所
由治亂君子小人所由進退消長鮮不於奇耦二畫屈
伸變易之間見之若乃體諸躬行措諸事業有觀民設
教之方有通德類情之用恐懼修省以治身思患預防
以維世引而伸之觸類而長之而治理備矣於是刊刻
成書頒示天下朕惟體乾四德以容保兆民且期庶司

百執事矢于野渙羣之公成拔茅九升之美則奉交媾
於明良而太和溢於宇宙庶稱朕以經筵字爲治法之意
也夫

御纂周易折中二十二卷

康熙五十四年太學士李光地等奉

敕撰

聖祖仁皇帝御製序曰易學之廣大悉備秦漢而後無復
得其精微矣至有宋以來周邵程張闡發其奧惟朱子
兼象數天理遠衆而定之五百餘年無復同異宋元明

皇朝文獻通考 卷一百一十一 四
至於我朝因先儒已發之微旨或有未參已見漸至啟
後人之疑朕自弱齡留心經義五十餘年未嘗少輟但
知諸書大全之駁雜柰非專經之純熟深知大學士李
光地素學有本易理精詳特命修周易折中上律河洛
之本末下及衆儒之考定與持論之不可易者折中而
取之越二寒暑甲夜披覽隻字片句斟酌無遺康熙五
十四年春告成而傳之天下後世能以正學爲事者自
有所見歟

臣等謹按漢唐以來言易者紛如自董楷析朱子

本義附於程傳十二篇舊第復淆是編恭稟

睿裁改從古本先列朱子本義爲主而程傳次之卷首載
綱領義例綱領者歷代諸儒傳易源流及易道之
精作易之義讀易之方說易之槩至義例則括全
經之大凡者也上下經迄雜卦通十八卷又朱子
啟蒙與本義互相表裏具載全文及附論等別爲
四卷自漢及明諸家之說其有合者則附錄之卽
間有未合而足佐傳義所不及者爲案語以斷之
其書詩春秋三經綱領體例悉倣是書爲編載云

御纂周易述義十卷

乾隆二十年大學士傅恒等奉

勅撰

皇上御製序曰詩義既竣爰從事於周易舉向所闡釋者命詞臣條次其說曰一二卦一如詩義之例仍從朱子本義用晁氏本以應十翼之舊編成復為之序夫詩書春秋皆孔子所刪定而於易獨為之十翼以發明蘊奧蓋卦爻象象交易變易之道非聖人莫能明故繫之辭以詔萬世而上承伏羲文周三聖之緒

則猶夫述而不作之意耳學易者不深味乎聖人之辭則無以探夫分爻立卦之本然而體觀變翫占之實用後儒之偏主一說以為言者非知易者也我

皇祖御纂周易折中廣大精微義無不備綜括漢唐以來諸說之全而取其粹言易者無能出其範圍今是編也異其體而宗其義庶無忝乎

祖述之旨云

臣等謹按是書大旨多推闡文周孔四聖之旨

御纂周易折中之蘊謂全易綱領皆本人事以立象迥非

皇朝文獻通考 卷二百一十一
虛無之說術數之學所能測其精微取象多因互
體尤能發明古義洵足拱義文周孔四聖之秘旨
集漢宋羣儒之大成矣

讀易大旨五卷

孫奇逢撰奇逢字啟泰號鍾元又號夏峯容城人
前明萬曆庚子舉人入

國朝後流寓河南乃作是書門人耿極爲之校訂

奇逢自序畧曰至蘇門始學易偶據見之所及最
其體要以示門人初非逐句逐字作解故曰大旨

周易稗疏四卷附老異一卷

王夫之撰夫之號薑齋漢陽人前明舉人

臣等謹按是編乃夫之讀易時隨筆劄記故每條

不全載經文但取數字標目會有疑義始爲剖析

故不逐卦逐爻盡爲之解言必徵實義必據理其

於焦京陳邵諸說均無所倚附近代說易諸家以

夫之爲最有根據

易酌十四卷

刁包撰包字蒙吉祈州人前明天啟丁卯舉人

包自序曰易自庖犧氏一畫始由一畫而加之至三百八十有四變易交易妙有權衡故用酌或仰酌諸天或俯酌諸地或中酌諸人文王作於前酌羲之畫而爲彖周公酌羲之畫而爲爻孔子畫酌羲彖酌文爻酌周公用成十翼伊川程子以周元公爲師既有以酌其源流以明道爲兄又有以酌其體用原本孔翼發揮三聖之蘊以教天下來世於無窮誠十翼功臣也夫是以纂輯成書以孔子十翼爲三聖之階梯以程子傳爲孔子之階梯間

以朱義補程所未備亦間以諸儒及己意補程朱所未備總之酌朱以合於程酌程以合於孔酌孔以合於羲文周公統四聖二賢之易於一心極而至於國家天下何莫非一易之洋溢也哉
臣等謹按包在

國初與諸儒徃復講學能得要領故所著述悉本義理是書根據注疏以程子本義爲主實足以羽翼宋儒於易學淵微深有所得
讀易蒐十二卷

鄭賡唐撰賡唐縉雲人前明天啟丁卯舉人
賡唐自序曰易廣大變通之書也三畫無端六爻
不處探理者以爲深觀象者以爲奇前之所是後
或非之此之所疑彼或信之各出所見以得津涯
猶之乎測海酌河也王輔嗣蘇子瞻朱元晦楊敬
仲數子者或卽事以明理或泝源以該流其爲經
傳羽翼則一也余讀易三十年輒不自揣網羅舊
聞裁諸管見求庶幾無戾於理斯已矣
大易則通十五卷閏一卷

胡世安撰世安字處靜別號菊潭井研人前明崇
禎戊辰進士歷任詹事府少詹事入

國朝官至大學士

周易感義

無卷數

岳虞巒撰虞巒字衡山武進人

田間易學十二卷

錢澄之撰澄之初名秉鐙字飲光桐城人自號田
間老人

澄之自序曰我家世學易先君子諱爾卓里人稱

敬修先生口授意旨命澄之詮次名曰見易後余
 入閩每念先生教思讀易而見易舊解已失惟記
 誦章句默尋經義時有所獲久之成帙名曰火傳
 蓋以薪盡火傳卽此猶是先君子之遺教也既歸
 里諸書散盡而見易一編獨存因取火傳證之雷
 同者居多乃盡刪後說微有異則存之又博考諸
 書凡前人所已道者皆削去一歸諸前人寧爲述
 者可也

徐秉義曰澄之習京邵之學通陰陽五行家言至
 於象緯律歷奇門太乙之書無不究也晚年乃盡
 棄之惟日玩本義故其爲書明白簡易間有所得
 則一以繫傳爲據其論卦爻則在辨卦位審卦主
 原卦變以承乘比應之義合全體而斷之

易學筮貞四卷

趙世對撰世對字襄臣衢州人

麗奇軒易經講義

無卷數

紀克揚撰克揚字武維號六息文安人

義畫憤參一十五卷

陸位時撰位時字與偕錢塘人官鄞縣訓導

位時自敘畧曰小憤小悟大憤大悟不憤不悟憤

之云者心求通而未得之意故云憤參

周易辨疑

無卷數

李開先撰開先字傳一長壽人

開先自序曰伏羲之卦乾父與坤母相錯長男與

長女相錯中男與中女相錯少男與少女相錯所

謂進退存亡不失其正也文王之圖則仿河圖天

一生水地二生火天三生木地四生金上下左右

各順其方其次金生水水生木木生火火生土也

雖然不必求之文字也玩方圓圖便已得之余初

讀易杳不得其津涯後見來瞿塘始知所謂卦變

始知所謂錯綜其中亦不無支離穿鑿之病余且

讀且思每至午夜不眠覺有若啟之者因作辨疑

一書

臣等謹按開先受易於其鄉人來知德故卷首列

知德太極圖及義文卦次卦位方圓諸圖卦變圖

六十四卦錯綜圖每卦論辨卦象爻畫悉本師說

居多惟卦變之說與知德不合又往往駁本義而不顧所安故委曲遷合語多不倫則亦好為立異之流也

易存無卷數

蕭雲從撰雲從字尺木蕪湖人前明崇禎己卯副榜貢生

易學象數論六卷

黃宗羲撰宗羲字太沖號梨洲餘姚人前明御史尊素之子康熙初嘗薦修明史未赴

宗羲自序畧曰易廣大無所不備自九流百家借之以行其說而易之本意反晦世儒過視象數以為絕學故為所欺今一一疏通之知其於易本了無干涉而後反求程傳亦廓清之一端

汪瑞齡曰姚江梨洲夫子慨象數之失其正而為異說所淹汨也作論辨之其倚附於易似是而非者析其離合為內編三卷其顯背於易而自擬為易者決其底蘊為外編三卷瑞齡獲受其書而卒業焉

周易象辭二十一卷附尋門餘論二卷圖學辨惑一卷

黃宗炎撰宗炎字晦木餘姚人宗羲之弟自號為宗炎尋門餘論自序曰七八歲時隨先忠端公授周易本義句讀稍長兄太沖先生命讀王註程傳不過為博士弟子之學無所得於心也問從葢山夫子與聞緒論未能有所啟發每與執友陸文虎共閱郝仲輿先生九經解其融會貫通一洗前人訓詁之習遂有白首窮經之約擬以五十之年息

絕世事專功畢力以補少壯之失或有億中頓忘困苦而姜子蒼崕每出奇思更相問難因而隨筆雜述未能鱗次命之曰尋門餘論見得門而入之難也

又圖學辨惑自序曰易有圖學非古也注疏猶是晉唐所定之書絕無言及此者圖學三派出自陳圖南以為養生馭氣之術與易道無關夫上古何嘗有圖但文字未備畫為奇耦示文字之造端爾陳氏不識古文古字悞以為圖也可不辨歟

陸嘉淑曰晦木尋門餘論直欲與洛閩大儒質辨於千載之上名書之意以乾坤為易之門恐不得其門而入故探索以尋之與良哉辨開夫上古可周易說畧四卷

張爾岐撰爾岐字稷若濟陽人非古也其說雖長周易纂解正宗六卷

謝復堯撰復堯字菁來吉水人編只晉四函人之

周易塵談無卷數

不著撰人名氏按朱彝尊經義考載孫應龍有周

易塵談十二卷疑卽此本應龍字海門餘杭人順

治丁亥進士官陽州知州

周易淺述八卷

陳夢雷撰夢雷字省齋閩縣人順治己丑進士官

翰林院編修坐謫戍蒙

恩召還校正銅板緣事再謫尋卒

臣等謹按凡例云解易者數千家未能廣覽蓋此

書為其初赴尚陽堡時所作行篋乏書故以朱子

為主而僅參引王注孔疏蘇軾傳胡廣大全來知

德注諸家間以已意參考異同頗能掃除膠轕至
卷末附其友楊文言所作三十問文言字道昇武
進人所說多支離穿鑿遜於夢雷本書多矣

易宗集註十二卷

孫宗彝撰宗彝字孝則高郵人順治丁亥進士官
吏部郎

宗彝自序曰聖人作易因象而測其數因數以測
其理象有象之宗也數有數之宗也理有理之宗
也河圖洛書五皆居中中五象之宗也五數之宗

也中理之宗也中涵陰陽靜乃生動此中之所以
為理宗也是伏羲作易之宗旨也孔子贊之教人
執禮禮由中制故曰觀其會通以行其典禮是孔
子傳易之宗旨也六十四卦之內凡陽之毘於陰
陰之干於陽無非利也利屬陰惟陽可以抑之乾
不言利其利及物坤言利其利得主而貞不可以
不辨也是又所以執中所以執禮之宗旨也予受
其旨於先大夫五十年而始明其數信數之合於
象而契於理如此也作易宗志不忘也

周易纂註 無卷

朱奇頴撰奇頴字九愚嘉定人順治辛卯拔貢生

官平遙縣知縣

易史參錄二卷

葉矯然撰矯然字思菴閩縣人順治壬辰進士官

樂亭縣知縣

大易疏義五卷

王芝藻撰芝藻字淇瞻溧水人順治甲午舉人

周易滴露集 無卷

張完臣撰完臣字良哉平原人順治乙未進士

周易疏畧四卷

張沐撰沐字仲誠上蔡人順治戊戌進士官資縣

知縣

譚瑄曰仲誠受學於容城孫奇逢易疏畧四卷自

爲之序

臣等謹按沐於五經四書皆有疏畧是編自謂悉

本孔子十翼之義然所注仍多取舊說雖力排陳

邵之學而卷首仍列諸圖用朱睦㮮之例改卦書

皇朝文獻通考 卷一百一十一
為先上後下殊昧始初終上之旨

加年堂講易十二卷

周漁撰漁字大西興化人順治己亥進士官翰林院編修

漁自序曰是講也與朱子本義程子傳及古今來言易之家大相違背而吾黨之內有窮年學易而不得其解者莫不懽忻鼓舞而聽受之謂能發數千百年所未發漁不敢當若謂義文周孔四聖人明道覺世之旨不終晦於天下假吾之心慮口宣

以代為發之是則烏能辭

臣等謹按漁自序諸語自負甚高然觀其書多好為翻奇立異之論非有根柢之學者也

讀易近解二卷

湯秀琦撰秀琦號已菴臨川人順治中歲貢生官鄱陽縣訓導

易原就正十二卷

包儀撰儀字羽修邢臺人拔貢生

儀自序畧曰早年聞有皇極經世而無由求得其

書自順治辛卯至康熙己酉薄遊麻城乃得其書
於王可南家至江寧玩求其旨者一年始有所得
乃作易原就正

大易通解十七卷

魏荔彤撰荔彤字念庭栢鄉人大學士裔介子官
至常鎮道

易圖明辨十卷

胡渭撰渭原名渭字肫明號東樵德清人
臣等謹按是書專以辨定圖書而作卷一辨河圖

洛書卷二辨五行九宮卷三辨周易參同先天太

極卷四辨龍圖易數鉤隱圖卷五辨啟蒙圖書卷

六卷七辨先天古易卷八辨後天之學卷九辨卦

變卷十辨象數流弊皆根柢羣言悉心參證其視

元明以來陳應潤吳澄歸有光毛奇齡黃宗羲宗

炎諸人所論述尤爲窮源溯委洵足爲易學指迷

之一助也

易經衷論二卷

張英撰英字敦復桐城人康熙丁未進士官至大

學士諡文端

周易通論四卷 周易觀象十二卷

李光地撰光地字厚菴安溪人康熙庚戌進士官

至大學士諡文貞

光地觀象自述畧曰象者材也文王以六爻為取

用之材象詞既繫六爻之義具焉爻詞之作所以

推廣象辭故云智者觀其象詞則思過半惟象可

以該爻而論爻者不能外象觀象之名蓋取諸此

也

周易郁溪記十四卷

郁文初撰文初號郁溪蘄州人官至肇慶府知府

文初自述曰文初生固陋從來學易諸家其書不

能遍讀自天啟乙丑迄今丁酉三十三年霽心澄

慮優游浸入而弗能自已以筆紀之日一改焉歲

一改焉入仕以來閱十載庶乎淺深得失之辨可

考以自驗若其竊聖人之蘊附述作之林則吾豈

敢

周易起元十八卷

陳圖撰圖字寄巖永豐人

易贊二卷

王良撰良字無悶歙縣人諱州或謂之林明善
良自序曰吾早歲讀易見爻之義而疑焉見卦之
名而疑焉以質於人間其告我之說而益大疑焉
於是悉屏其文獨取象以觀之以我之疑而質之
象象不我告則悶然退退而益不自得則悶益深
悶極而幾忽啟焉急取而證之無不合也此庶幾
為全易乎

易大象說錄二卷

吳舒鳧撰舒鳧一名逸字吳山吳縣人

周易惜陰錄四十六卷 周易存義錄十二卷

周易惜陰詩集三卷

徐世沐撰世沐字爾瀚江陰人事蹟載江南通志

儒林傳

臣等謹按世沐惜陰錄多本宋都絜緒論解經以

變爻為主存義錄即取惜陰錄刪削之非別為一

書惜陰詩集凡四言五言七言多至一千餘首蓋

取經傳字義分類題咏大率仿用張九成論語詩
例因非詩集之體故仍附易類云

圖易定本一卷

邵嗣堯撰嗣堯鄒陽人康熙庚戌進士官至江南

提學副使

嗣堯自述畧曰河洛之數一乘一除小圓圖即小

橫圖之順往逆來大橫圖即小橫圖之因重成爻

大圓圖即小圓圖之運行寒暑方圖即大圓圖之

乾君坤藏文王二圖實由此而變通之

又自序曰此書凡四易稿一刻於都門再刻於上

谷三刻於襄陽屢有改竄此本刻於康熙甲戌始

為定本

易經述無卷數

陳詵撰詵字叔大號寶齋海寧人康熙壬子舉人

由中書科中書官至禮部尚書諡清恪

周易廣義六卷

潘元懋撰元懋字友碩鄞縣人本進士

元懋自序曰廣義云者取蔡氏蒙引林氏存疑諸

書以廣本義之所未盡易為占筮作而能有以冒天下之道誠合理數以求之微本義其誰與歸幸蔡氏林氏之書具在因得服膺所傳以求本義緣本義而傳而經而無迷於數無戾於理或可免於曲學阿世之誦焉

合訂刪補大易集義粹言八十卷

納喇性德編性德字容若正黃旗滿洲人康熙丙

辰進士官至

乾清門侍衛

性德自序曰宋陳友文大易集義六十四卷方聞一大易粹言七十卷撫拾宋儒論說凡十八家而粹言所採二程橫渠龜山定夫兼山白雲父子七家其康節濂溪上蔡和靖南軒藍田五峯屏山漢止紫陽東萊十一家之說皆集義上下經所引粹言則未之及也粹言有繫辭說卦序卦雜卦集義止上下經向竊病其未備因於十一家書中將講論繫詞以下相發明者合而訂之間以臆見考定焉

大易蓄疑七卷

劉蔭樞撰蔭樞字喬南韓城人康熙丙辰進士官

至貴州巡撫

周易筮述八卷

王宏撰撰宏撰字無異號山史華陰人康熙己未

薦試博學鴻詞

宏撰自序曰易者天也筮者人也伏羲文王周公

言天孔子言人蓋易主孔子而正德之事備則莫

備於筮筮者和順於道德而理於義窮理盡性以

至於命之學也聖人以下筮為教觀象玩辭觀變

玩占顯諸仁藏諸用人事盡而天事協夫豈苟焉

而已哉

臣等謹按是書雖為筮著而設然大指多推本經

義述本義之蘊而復兼採諸家如筮儀則參以汴

水趙氏變占則稽之左傳推驗則取之陸氏立論

悉有根據固非方技術數者流所得而相提並論

也

仲氏易三十卷 推易始末四卷 春秋占筮書

三卷 易小帖五卷 河圖洛書原舛編一卷

毛奇齡撰奇齡一名牲字大可號秋晴一曰初晴

又以郡望稱西河蕭山人康熙己未舉博學鴻詞

官翰林院檢討

奇齡自述曰余仲兄與三名錫齡在崇禎之季得

錮疾授生徒以說經自娛而尤長於說易謂余曰

古賢處憂患者必明易汝知之乎余拜而受言暨

乞假歸而仲氏已不可見顧其說易實有西漢以

來遺法爲宋元諸儒所未及者余就兄子曰授大

旨暨各卦詁義而擴大之爲仲氏易

李澄中曰推易始末者西河毛氏發明仲氏易推

移之義蓋卽前儒卦變卦綜之說而暢之

朱彝尊經義考曰易小帖係西河氏雜記說易之

可議者

臣等謹按占筮書內傳十四條外傳二條附十二

條奇齡自以向所著推易始末一編書成而易義

明卽占易之法亦明故稍存其說於卷中其曰春

秋者據春秋傳所載占筮以明古人之易學實不

為春秋而作故仍附易類小帙百四十三條叢說
 無次第蓋奇齡說易之語而編次則出門人之手
 原舛編一卷奇齡以易大傳言河出圖洛出書尚
 書及論語單言河圖大抵圖為規畫書為簡冊無
 非典籍之類自竹書記年謂龍圖出河帝王世紀
 謂河出龍圖洛出龜書而記載家彼此紛錯故名
 其書曰原舛

喬氏易侯十八卷

喬萊撰萊字石林寶應人康熙己未舉博學鴻詞

官至翰林院侍讀

嚴繩孫曰石林尊人侍御聖任先生以理學名家

易侯一書大約得之過庭之訓為多

讀易日鈔六卷

張烈撰烈字武承大興人康熙庚戌進士授內閣

中書己未舉博學鴻詞改翰林院編修官至左春

坊左贊善

易論

無卷數

徐善撰氏籍未詳

皇朝文獻通考 卷一百一十一
臣等謹按是書序中稱爲南州徐敬可則當爲南昌人而善自署郡望又曰嘉禾則似與左傳地名考序中所稱徐善爲一人未知孰是

周易應氏集解十三卷

應撫謙撰撫謙字嗣寅錢塘人康熙己未以博學鴻詞薦徵不起

撫謙自序曰陰陽之理著於易人莫不喜長而惡消喜盛而惡衰是故知進而不知退知存而不知亡若君子則不以盛衰消長易心而一歸於中正

喜通惡窮而易其性君子不爲也天地之大德莫善於中用中之宜莫善於時是書也以中明易初曰易學大中旣而懼其自以爲是非所以求教於君子也乃以應氏集解名之

易原

無卷數

趙振芳撰振芳字香山山陰人

易或十卷

徐在漢撰在漢初名之裔字天章晚年乃易今名字寒泉歙縣人

在漢自序曰仲尼不云乎或之者疑之也疑者人心之所以不窮而鼓舞之所以盡神也不疑則人心息人心息則天地之變化不可見而易或幾乎息矣漢以疑學易以疑名易以疑就正天下萬世之學易者則天下萬世無窮之人心皆生生之易爾已

易經辨疑七卷

張問達撰問達字天民江都人

問達自序曰愚總角受易竊以學易者學此易於

身也用易者用此易於世也反諸心而求聖人明道立教之心而天地萬物之心其在我心以外乎故不自揣度折衷異同附以己見其實在於尊信義文周孔而非有間於先儒也然則是編也其敢遽以爲是乎

冀如錫曰天民得力於陽明良知之學故其書黜數崇理而談理一歸之心力

周易通十卷 周易辨二十四卷

浦龍淵撰龍淵字潛夫吳縣人嘗佐洪承疇幕薦

授城步縣知縣

嚴沆曰吳門浦潛夫學易既久一日有悟於洗心

之旨遂貫通全易以孔子之言折衷羣言之非是

與似是而非者既有易通十卷以疏大義又有易

辨二十餘卷以辨析微辭可以翼往聖而開來學

者也

葉方謫曰浦潛夫易辨理明辭達體諸身心參諸

世務援据經史博採衆說會而通之使一經條理

了然心目之間故其分疏彖象六爻及繫辭諸傳

皇朝文獻通考 無不首尾融貫事理昭晰

周易義參六卷

于琳撰琳字貞瑕平湖人歲貢生

身易實義五卷

沈廷勸撰廷勸字克齋嘉興人康熙中貢生官至

商州知州

廷勸自序畧曰易為盡性之書而實誠身之書也

盈天地皆易則盈天地皆身之用此三極之道所

以必待聖人之參贊而立乎其中與行乎其中之

道始不虛也余為是編名之曰身身易實義謂以心
言易未若以身體易之為實以身體易又必以易
見諸用之為實也

商周成禮

武王禮記或謂字或謂字與入禮中實空言至

後易言禮正卷

年禮與禮字自取平則入禮禮

周易禮字

皇朝文獻通考卷二百十一

皇朝文獻通考卷二百十一

經籍考二

經易

周易清解無卷數

江見龍撰見龍字壽水杭州人康熙中諸生

臣等謹按是編列繫辭說卦雜卦序卦於上下經

之前分為二卷名曰孔子讀易傳見龍之意殆欲

以是尊孔子而不知後經先傳漢晉以來未之前

聞者爾

周易傳註七卷附周易筮考一卷

李埭撰埭字剛主號恕谷蠡縣人康熙庚午舉人
官通州學正

埭自序曰易爲人事而作也乾坤索而爲雷風水
火山澤本天道也伏羲因而重之而蒙需訟師謙
履等卦卽屬人事文王彖辭於乾繫元亨利貞猶
天道入事兼言也至坤利牝馬之貞君子攸行等
辭專言人事周公象辭則勿用利見大人朝乾夕
惕無非人事者以下六十二卦卽復姤泰否明屬

天道而利有攸往勿用取女小人大人必歸人事
乃知教人下學不言性天自伏羲文王周公以來
皆然埭弱冠受易於顏習齋惟以人事爲教及壯
謁許西山毛西河一言易卦象數一辨河洛太極
歸而玩易一一與向所傳人事者近焉

周易本義述蘊四卷 周易蘊義圖考二卷

姜兆錫撰兆錫字上均丹陽人康熙庚午舉人乾
隆初薦充三禮館纂修官

周易劄記二卷

楊名時撰名時字賓實江陰人康熙辛未進士官
至禮部尚書諡文定

臣等謹按名時本大學士李光地所取士故其詮

解經傳多本師說純以義理為宗又撫雲南時嘗

與夏宗瀾論易問答具載宗瀾書中

硯北易鈔十二卷

黃叔琳撰叔琳字崑圃大興人康熙辛未進士第

三官至詹事府詹事乾隆辛未蒙

恩加銜吏部侍郎

宋元周易解提要附易解別錄無卷數

不著編輯者姓氏前有黃叔琳私印署曰養素堂

纂本

周易淺解四卷

張步瀛撰步瀛字瀚先河南新安人康熙辛未進

士

易經詳說無卷數

冉觀祖撰觀祖字永光中牟人康熙辛未進士改

庶吉士

周易傳義合訂十二卷

朱軾撰軾字可亭高安人康熙甲戌進士官至大學士諡文端乾隆二年兩廣總督鄂爾達校付劄
刷恭呈

御覽

皇上御製序曰易之爲書以奇耦明陰陽之象以陰陽
闡健順之德以卦爻該事物之變以易簡盡天下之
理潔淨精微而廣大悉備天德王道一以貫之故曰
易者五經之源也顧自漢魏以來考象變者泥於術

數而不足以通幽明之故談義理者淪於空寂而不
足以研倫物之幾至程子易傳朱子本義出而義理
象數始歸於一於是四聖作易垂教之旨煥然復明
於萬世我

皇祖聖祖仁皇帝御纂周易折中探源河洛直接心傳而
綜括儒先首列程朱傳義誠以傳義者義經之樞鑰
而易道之通津也故大學士高安朱文端清修正學
品重當代曩在講席啟沃良多平生所學專於儀禮
小戴記而易春秋周官亦旁及焉所著傳義合訂一

編探二子所以云之意發揮而引伸之簡而當博而不支鈎深探賾而不鑿蓋玩之熟故擇言也精體之深故析理也密可謂善言易者矣文端以兩粵督臣鄂爾達舊爲曹屬手授是書鄂爾達梓而傳之刻成進覽披閱之下當日勤勤懇懇嘉惠來學之苦心恍乎若接不禁愴然爰援筆而爲之序

例畧曰遺象言理自王輔嗣始然易者象也有象斯有理理從象生也孔子彖象二傳何嘗非言象雷風山澤以及乾馬坤牛皆象也卽卦之剛柔上

下應比承乘亦何莫非象乎舍是而言理不知所謂理者安在又曰卦有對易反易反易之義先儒言之已備來知德謂之卦綜謬矣又曰講易以程傳朱義爲宗二書互有同異而止錄一說宋元來易圖概不甄錄止以所見縷晰朱子篇首各圖之義而圖仍不載並以經傳文合於一處使經旨易於瞭然

易學參說二卷

馮昌臨撰昌臨字與肩嘉興人

皇朝文獻通考 卷二百一十二
易象二卷

王明弼撰明弼字亭二陝西人官鳳翔府教授

易宮三十八卷 讀易管窺五卷

吳隆元撰隆元號易齋歸安人康熙甲戌進士官

至太常寺少卿

讀易約編四卷

朱江撰江字東注江都人

孔門易緒十六卷

張德純撰德純字能一號松南長洲人康熙庚辰

進士官常山縣知縣

德純自述畧曰經本無陰陽剛柔之名及天地風

雷水火山澤之象皆夫子所顯示以闡經故曰孔

門易緒

易章二卷

朱襄撰襄無錫人

臣等謹按易章別有全書此特其卷首圖說及字

義二卷觀其自序曰命之曰易章而撮取大傳中

之字推明其義冠於易章之前可見

周易闡理四卷

戴虞臯撰虞臯號遜軒崑山人

周易玩辭集解十卷

查慎行撰慎行字悔餘號初白海寧人康熙癸未

進士官翰林院編修

慎行自序曰慎行童而讀易白首而未得其解也

則仍於聖人之辭求之始而玩卦辭爻辭繼而玩

彖傳大小象辭務於聖人之辭字字求著落詮釋

其求諸經文而不得必先攷之注疏復叅以諸儒

之說不敢偏徇一解亦非敢妄立異同也

臣等謹按慎行爲黃宗羲弟子故能不牽引圖書

之說其闡發經義簡潔明淨而無駁雜之弊於宋

學頗有所得焉

易盪二卷

方鯤撰鯤字羽南桐城人

易說要旨二卷

李寅撰寅字東厓吳江人

易象數鉤深圖三卷

張文炳撰文炳字明德絳州人康熙中由供事議敘官至泗州知州

臣等謹按是書摭拾宋元經解詞頗龐雜且於纂述體例亦多未洽然近世胥吏之能著書者泰安聶鉞而外文炳一人而已

周易象義合參十二卷

吳德信撰德信字成友九江人

易說六卷

惠士奇撰士奇字仲儒吳縣人康熙己丑進士官

至翰林院侍讀

臣等謹按士奇長於三禮之學其說易皆有依據

推闡實義與諸經相貫通

周易通義十四卷

方棻如撰棻如字葯房淳安人

周易本義晰無卷數

胡良顯撰良顯字忠遂別號徂村岑漢陽人康熙辛

卯舉人官武城縣知縣

周易函書約存二十四卷 約註十八卷 別集

十六卷

胡煦撰煦字滄曉光山人康熙壬辰進士官至禮部侍郎

臣等謹按是書原本一百十八卷簡帙浩繁有正

集續集別集之分後因正集未刻稿已散佚而續

集之名亦無緣起其子季堂重為校訂取論易之

語分原圖原卦原爻原占者編為約右寸取詮釋經

義者編為約注而以篝燈約旨易解並異易學須

知編為別集其持論酌於漢學宋學之間於朱子

本義頗有同異

易說十卷

田嘉穀撰嘉穀字樹滋陽城人康熙壬辰進士官

翰林院編修

先天易貫五卷

劉元龍撰元龍字凝焉饒陽人

易箋八卷

陳法撰法字定齋貴州安平人康熙癸巳進士官

至直隸大名道

易經纂言無卷數

王士陵撰士陵字阿瞻武邑人康熙癸巳舉人官翁源縣知縣

周易本義拾遺六卷

李文炤撰文炤字朗軒長沙人康熙癸巳舉人

文炤自序畧曰本義於辭多得之而於象未深考

因為補葺釋經則以象數為主釋傳則以義理為

歸各條載本義全文而以已說附於後

易經釋義四卷

沈昌基撰昌基字儒珍烏程人

易鏡無卷數

戴天章撰天章字漢文湖州人

心易一卷

戴天恩撰天恩字福承蕭山人

易經粹言三卷

應麟撰麟字罔呈宜黃人康熙丁酉舉人

易互六卷

楊陸榮撰陸榮字采南青浦人

成均課講周易無卷數

崔紀撰紀原名珺字君玉後更今名字南有永濟人康熙戊戌進士官至副都御史

臣等謹按紀于周易四書均有論述而易及學庸

均被以成均課講之名蓋其官祭酒時所與諸生

講說之本也

楚蒙山房易經解十六卷

晏斯盛撰斯盛字一齋新喻人康熙辛丑進士官

至湖北巡撫

周易孔義集說二十卷

沈起元撰起元字子太太倉人康熙辛丑進士官

至光祿寺卿

臣等謹按是書因明高攀龍周易孔義之名復加

纂集大旨謂孔子作十翼上契義文垂教萬世故

凡先儒傳說惟擇其不悖於孔傳者取之於先天

後天方圓諸圖焦京陳邵之說槩從刪汰焉

索易臆說二卷

吳啟昆撰啟昆字宥函江寧人康熙辛丑進士官

翰林院編修

陸堂易學十卷

陸奎勳撰奎勳字坡星平湖人康熙辛丑進士官翰林院檢討

奎勳自序曰奎勳少歲讀易徧覽先儒理解始由朱子本義知有孔子之易繼卽孔子十翼知有伏羲神農黃帝堯舜禹湯文王周公九聖人之易祇說卦一篇足該全易之旨人知天地定位章為羲卦之象不知坤以藏之章為歸藏象帝出乎震章

為連山象也又不知商之歸藏本於神農夏之連

山本於黃帝也人知畫卦重卦皆由伏羲而不知

著數起於黃帝乾坤八卦之名亦起於黃帝也又

不知屯蒙五十六卦名增加於堯舜時也人知文

王有彖辭而不知文王序卦之妙也人知周公有

小象而不知說卦傳中凡言乾坤八卦之象皆周

公所集成與夫象傳之上下兩象亦本諸文王周

公而作非孔子所自取也既得其象於義自達於

辭自通矣

周易錄疑

無卷數

陳綽撰綽字文裕福安人

臣等謹按是編每條之下間有標湜附三字者湜

字亦徵綽之子也

易義隨記八卷 易卦劄記四卷

夏宗瀾撰宗瀾字起八江陰人由拔貢生薦授國

子監助教

大易擇言三十六卷 易說辨正四卷 程氏易

通十四卷

程廷祚撰廷祚字縣莊號青溪上元人

臣等謹按廷祚諸經皆有撰述其講易則專宗程

傳闡發義理多自得之言

學易闡微四卷

羅登標撰登標字子建寧化人康熙中舉人官松

溪縣教諭

讀易質疑二十卷

汪璲撰璲字文儀號默菴休寧人

周易會輯

無卷數

吳映撰映字沐日晉江人

大易闡微錄十二卷

劉瑄撰瑄字獻白棗強人

周易詳說十九卷

劉紹攸撰紹攸三原人

易翼述信十二卷

王又樸撰又樸字介山天津人雍正癸卯進士官

至廬州府同知

周易原始六卷

范咸撰咸字貞吉號九池錢塘人雍正癸卯進士

官至監察御史

咸自序曰易原始於畫有畫而象成有象而理寓

咸敬遵

御纂折中本以釋經凡諸儒舊解之合者悉著於篇間附

已見而象傳未暇及焉曰原始者原經之所以始

卽原畫之所以始也

周易淺釋四卷

潘思渠撰思渠字補堂陽湖人雍正甲辰進士官

至福建巡撫

白瀛序畧曰思渠點勘通志堂所刊易解四十二

家竭畢生之力以成此書缺乾坤二卦未註故此

本所說惟六十二卦其象傳象傳則用註疏本附

經併釋而文言繫辭說卦序卦雜卦則未之及

周易撥易堂解二十卷

劉斯組撰斯組字斗田新建人雍正甲辰舉人官

知縣

周易摘抄五卷

顧易撰易號虛莊南滙人雍正甲辰舉人

學易大象要參四卷

林贊龍撰贊龍字雲澤侯官人雍正丙午舉人

經義管見一卷

饒一辛撰一辛字治人江西廣昌人

周易解翼十卷

上官章撰章字闇然乾州人

東易問八卷

魏樞撰樞承德人雍正庚戌進士官永平府教授

乾隆元年薦舉博學鴻詞未及赴而卒
例畧曰樞生長遼東日與東人相問答故敘其原
委而集之以示初學名之曰東易問

易貫十四卷

張敘撰敘字鳳岡太倉人雍正壬子舉人

周易緯史無卷數

錢德撰德號堅瓠老人錢塘人雍正壬子副榜貢

生

臣等謹按是書以卦爻分配史事故曰緯史然所

引史事殊未考核

周易洗心九卷

任啟運撰啟運字翼聖荆溪人雍正癸丑進士官

至宗人府府丞

啟運自序畧曰讀易者當先觀圖其要不外論語

五十以學易之文言周卦畫自義圖出義圖自河

洛出五十者圖書之中也學易不以五十失其本

矣

易經理解一卷

邵煜撰煜字光庭汝州人雍正癸丑進士官中書
科中書

空山易解四卷

牛運震撰運震字階平號真谷滋陽人雍正癸丑

進士官平番縣知縣

運震自識曰學易之法本之繫辭說卦以括其綱
證之乾坤二卦以比其例考之六十二卦以盡其
變參之彖象以指其歸通之大象半象虛象實象
以廣其類然後求之揲著占事以定其向

周易剩義二卷

童能靈撰能靈字龍儔號寒泉連江人雍正中貢
生

易象圖說會通八卷 易象圖說續聞一卷 周

易輯說存正十二卷附易說通旨畧一卷

楊方達撰方達字符蒼武進人

方達圖說會通自序畧曰尋繹宋元經解及近代
名家纂述見其精研象數或著爲圖或著爲說有
裨易學者類而錄之左圖右說集成八卷

周易蛾術七十四卷

倪濤撰濤字岷渠錢塘人歲貢生官遂安縣訓導

臣等謹按是書原名四尚四尚者即尚辭尚變尚

象尚占每節首列本義次以四者為綱而采綴諸

說於後又次則卦主體用性理引證四條其他如

納甲卦氣圖書方位亦備列之

易說一卷

吳汝惺撰汝惺字匪席德州人

易經一說無卷數

王俶撰俶字善思彭山人

周易彙解衷易十五卷

許體元撰體元字御萬靈武人

易象援古無卷數

申爾宣撰爾宣字伯言河南人

臣等謹按此編乃爾宣述其父舒坦命意書中多

引古事以證易理故曰援古然其間逐爻取譬如

師之六爻謂如宋伐江南泰之二爻如狄仁傑事

周之類大率多儷不於倫云

大易合參講義十卷

朱用行撰用行字翼承新建人

周易粹義五卷

薛雪撰雪字生白號一瓢蘇州人

易著圖說十卷

潘咸撰里居未詳

咸自序曰讀易者當自知著始易有三著亦有二

周易大衍著用四十九策以四為揲內含六百八

十七萬萬一千九百四十七萬六千七百三十六

卦共用四千九十六卦以象爻二辭占左傳繇辭

皆四千九十六之卦詞也邵子皇極經世為連山

著用九十七策以八為揲正卦一千一十有六互

卦一千一十有六變卦三萬二千五百十有二以

數斷不以辭斷其吉凶一定而不可易後周衛嵩

元包為歸藏著用三十六策以三為揲以飛伏世

應渾天納甲五行生剋占吉凶用十二支十干為

千有二百兆

讀易自識

無卷數

金縢撰縝字縝五吳縣人

易觀十二卷

凌去盈撰去盈號旭齋爵里未詳

周易小疏十四卷

虞楷撰楷字孝思號蓼園里籍未詳

豐山易說十卷

王心敬撰心敬字爾輯鄆縣人乾隆元年薦舉賢

良方正以老不能赴

心敬自述曰學易可以無大過是孔子明之切於

人身卽是可以知四聖人繫易之本旨並可以識

學易之要領又曰易是道人之書陰陽消長只是

借來作影子耳故曰易者象也象者像也於陰陽

消長處看得不明是影子不真若徒泥陰陽消長

而無得於切已之人事亦屬捕風捉影又曰置象

言易是謂懸空執象合義是爲泥迹象義雙顯則

體用一源微顯無間

易準四卷

曹庭棟撰庭棟字六吉號楷人嘉善人乾隆丙辰

皇朝文獻通考 卷二百一十二
薦試博學鴻詞 卷一百一十二
例畧曰第一卷明河圖圖出希夷與世所謂圖者
中位則異第二卷明洛書書有本象與世所謂書
者實數則虛竭其一得闡扶務該間有前人所已
言者摭而並錄第三卷明大衍圖大衍有十圖皆
爲洛書傳者既罕言者絕少則抒獨見以發明之
第四卷明著法著法所由來見之易傳而疏解舛
譌乃求得掛一歸奇之旨凡以求合於圖書之數
而已

周易述二十三卷 易漢學八卷 易例二卷
增補周易鄭註一卷

惠棟撰棟字定宇號松崖元和人士奇子

臣等謹按棟謂西漢明易者少京房易傳只有積
算法而佚其章句東漢可考者有數家惟虞翻獨
冠羣儒荀爽又虞翻之先河也而不及虞之精密
是編專用虞說兼及荀氏而參以九家諸說蓋以
漢猶近古故述荀虞一家之注凡散見於六經周
秦諸書中及畧見於資州李鼎祥集傳者皆爲疏

定漢學八卷又取孟喜虞翻京房鄭玄荀爽五家之說散見諸書者釐為七卷各系已見其第八卷則棟所自為辨說易例二卷凡九十類皆考据漢儒之傳以發明易之本例內有十三類有錄無書故原跋稱為未成之本增補鄭註則廣王應麟所未備也

易經貫一二十二卷

金誠撰誠字閑存華亭人

易象約言 無卷數

易象約言 卷一 易象約言 卷二

吳鼐撰鼐字大年無錫人乾隆丙辰進士官工部主事

易經提要錄六卷

徐鏗撰鐸字令民鹽城人乾隆丙辰進士官至山

東布政使

易讀 無卷數

宋邦綏撰邦綏字逸才號况梅長洲人乾隆丁巳

進士官至兵部左侍郎

邦綏自述畧曰是編專為課子而作故以行文之

皇朝文獻通考 卷二百一十二
三
體爲講書使孺子易於記誦書中詮解取之方氏
時論者十之二三不敢隱其所自

大易理數觀察二卷

朱如日撰如日字洞彝號荷軒蓮花廳人

來易增刪八卷

張祖武撰祖武長安人乾隆戊午舉人

易象大意存解一卷

任陳晉撰陳晉字似武號後山興化人乾隆己未

進士官徽州府教授

周易輯要五卷

朱瓚撰瓚字稿雷全椒人

周易辨畫四十卷

連斗山撰斗山字叔慶穎州人官太平府訓導

周易圖書質疑二十四卷

趙繼序撰繼序號易門休寧人乾隆辛酉舉人

周易讀翼揆方十卷

孫夢達撰夢達字中伯常熟人乾隆壬戌進士官

宗人府主事

夢達自述日詞以繫象翼以述經故以大傳卒辭
揆方之意名其書

易深入卷

許伯政撰伯政字惠棠巴陵人乾隆壬戌進士官
至山東道監察御史

易經講義八卷

萇仕周撰仕周字穆亭汜水人乾隆壬戌進士官
宜君縣知縣

周易析疑十五卷

張蘭臯撰蘭臯初名一是字天隨武進人

易說存悔二卷

汪憲撰憲字千陂錢塘人乾隆乙丑進士官至刑
部陝西司員外郎

易義便覽三卷

向德星撰德星字雲路淑浦人

周易集解增釋八十卷

張仁浹撰仁浹秀水人

周易曉義九卷

唐一麟撰一麟宜與人貢生官江寧府學訓導

易例舉要二卷 十家易象集說九十卷

吳鼎撰鼎字尊彝號易堂金匱人乾隆辛未薦舉

經學授國子監司業官至翰林院侍講學士後降

補侍講

臣等謹按舉要二卷遵

御覽周易折中之例而述之凡一百四十八條又因漢唐

宋儒說易已畧備於李鼎祚周易集解及董楷周

易會通惟元明未有專書因採元俞爻龍仁夫吳

澄胡一桂明來知德錢一本唐鶴徵高攀龍郝敬

何楷十家之說彙為一書以繼李董二書之後云

周易井觀十二卷

周大樞撰大樞字元木號存吾山陰人乾隆壬申

舉人官平湖縣教諭

大易近取錄無卷數

邵晉之撰晉之字叔階仁和人乾隆丙子舉人

周易觀瀾無卷數

喬大凱撰大凱字頤菴濟寧州人乾隆癸酉舉人

皇朝文獻通考 卷一百一十二
易經觀玩篇無卷數

朱宗洛撰宗洛字紹川無錫人乾隆庚辰進士官

天鎮縣知縣

臣等謹按宗洛酷信圖書故多引叅同契以解經

是書謂用費直本實則自定本也

易解拾遺七卷附周易句讀讀本二卷

周世金撰世金字仲蘭衡山人

周易章句證異十一卷

翟均廉撰均廉字春泚仁和人乾隆乙酉舉人官

內閣中書

周易集註十一卷圖說一卷

王炎撰炎渭南人

易圖疏義四卷

劉鳴珂撰鳴珂字伯容蒲城人

易見九卷

貢渭濱撰渭濱字羨溪丹陽人

易象圖說二卷

吳脈邕撰脈邕字灌先蓬萊人

周易後天歸圖四卷

黎由高撰由高字鵬翥通城人

易經輯疏四卷

黃家杰撰家杰臨川人

易經會意解

無卷數

王芝蘭撰芝蘭伊南人仕履未詳

臣等謹按是編序六十四卦專取兩卦相對相反

之義分上下二格上格文自前左行列一卦之辭

下格文自後右行列相對相反之卦自來經典中

未有若斯之體類回文者其繫辭傳以下亦分篇

次名目撰有開宗明義篇綱領篇彌綸篇四道篇

尚辭尚變尚象尚占諸篇先後天圖辨又有徵時

篇終意篇亦前所未聞不知其何所本也

河洛先天圖二卷

劉天真撰天真字汝迪號去偽興國州人歲貢生

官安仁縣訓導

周易象訓十二卷

姚球撰球字頤真無錫人

皇朝文獻通考 卷一百一十二
易經辨疑四卷

鄭國器撰國器湘鄉人

周易剩義四卷

黃燐撰燐字暘谷湘潭人

易經告蒙四卷圖註二卷

趙世迥撰世迥字鐸峯湘潭人

周易懸象八卷

黃元御撰元御字坤載號研農昌邑人諸生

易經本義翼十二卷

不著撰人名氏卷首題籤曰蘇州府附學生曹溥

手輯吳敬菴義經本義二十本敬菴亦未詳其人

讀易隨鈔

無卷數

不著撰人名氏

卦爻遺稿演一卷

不著撰人名氏

臣等謹按是書前有小引述其父於易頗多詮論

迄未成書是編乃其所類次間附已說自稱曰觀

姓亦無考

易經本義翼十二卷

周易觀象疑問二卷大傳章指二卷

不著撰人名氏

右易

不著撰人名氏

佳文獻通考一卷

不著撰人名氏

手書吳海春

皇朝文獻通考卷二百一十二

皇朝文獻通考卷二百一十二



